

四庫全書

子部

欽定四庫全書

喻林卷一百五

明 徐元太 撰

政治門十

更新

蠱元亨利涉大川先甲三日後甲三日

易蠱

山下有風蠱君子以振民育德

易蠱

幹父之蠱意承考也

易蠱

先庚三日後庚三日吉

易巽

若顛木之有由蘖

書盤
庚上

今往遷都更求昌盛如顛仆之木有用生蘖哉

孔氏傳
書盤庚

上

此都毀壞若枯死之木若棄去毀壞之邑更得昌盛猶

顛仆枯死之木用生蘖哉

尚書正義
盤庚上

人之有疾治之以理則疾去人之有惡化之以道則惡

除

尚書正
義康誥

原田每每舍其舊而新是謀

左傳僖公
二十八年

今有人日攘其隣之雞者或告之曰是非君子之道曰

請損之月攘一雞以待來年然後已如知其非義斯速

已矣何待來年

孟子滕文公下

及漢興依日月之末光何謹守管籥因民之疾苦秦法

順流與之更始

史記蕭相國世家

臨淵羨魚不如退而結網今臨政而願治七十餘歲矣

不如退而更化

前漢書董仲舒傳

琴瑟不調甚者必解而更張之乃可鼓也為政而不行

甚者必變而更化之乃可理也當更張而不更張雖有良工不能善調也當更化而不更化雖有大賢不能善

治也

前漢書董仲舒傳

前尹司馬芝舉其綱而太簡次尹劉靜綜其目而太密後尹李騰毀常法以收一時之聲蝦立司馬氏之綱統裁劉氏之綱目以經緯之

魏志傅
蝦傳註

蔡條糧莠化為善草魍魎更成虎士

吳志諸葛恪傳

清直之風既澆糟粕之俗猶在誠宜濯以滄浪之流漉

以吞舟之網

晉書應詹傳

改前轍者則車不傾革往弊者則政不爽

晉書嵇紹傳

琴瑟時未調改弦當更張矧乃治天下此要安可忘

宋書

樂四

志

匪更愆慝奚取九成

宋書謝莊傳

譬琴瑟不調必改而更張法度不平亦須蕩而更制

魏書

崔玄

伯傳

問道者更正聞道者更容

晏子問上

龐煖曰王其忘乎昔伊尹醫殷太公醫周武王百里醫秦申庶醫郢原季醫晉范蠡醫越管仲醫齊而五國霸其善一也然道不同數卓襄王曰願聞其數煖曰王獨不聞魏文侯之問扁鵲耶曰子昆弟三人其孰最善為醫扁鵲曰長兄最善中兄次之扁鵲最為下魏文侯曰可得聞邪扁鵲曰長兄於病視神未有形而除之故名不出於家中兄治病其在毫毛故名不出於閭若扁鵲者鑱血脉投毒藥剖肌膚問而名出聞於諸侯魏文侯

曰善使管子行醫術以扁鵲之道曰桓公幾能成其霸
乎凡此者不病病治之無名使之無形至功之成其下
謂之自然故良醫化之拙醫敗之雖幸不死割伸股維
卓襲王曰善寡人雖不能無創孰能加秋毫寡人之上

哉

鵠冠子
世賢

俗苟沴必為治以矯之物苟溢必立制以檢之累於俗

飾於物者不可與為治矣

尹文子
大道上

國亂而治之者非案亂而治之之謂也去亂而被之以

治人汙而修之者非紫汙而修之之謂也去汚而易之

以修故去亂而非治亂也去汚而非修汙也

荀子不荀篇

善毛膚西施之美無益吾面用脂澤粉黛則倍其初言

先王之仁義無益於治明吾法度必吾賞罰者亦國之

脂澤粉黛也

韓非子顯學

去其脊而載之木解其劍而帶之笏

淮南子道應訓

衣弊而革裁法弊而更制

鹽鐵論詔聖

繼大功之勤養勞勸之民此用麋鬻之時

鹽鐵論復占

墟弊室舊更為新家

焦氏易林
心之盡

雖不當路踰吾舊舍

焦氏易林
復之困

深谷為陵衰者復興亂傾之國民德安息

焦氏易林
明夷之比

故室舊廬消散无餘不如新創可以樂居

焦氏易林
萃之小過

膏澤沐浴洗去污辱

焦氏易林
漸之噬嗑

次八駟馬阻

才與切

阻而更其御測曰駟馬阻阻更御乃

良也

太玄經
第三更

鼓瑟者誤於張弦設柱宮商易聲其師知之易其弦而

復移其柱

王充論衡
譴告篇

火焚宿草以殖嘉穀更之道也宜更而不更嘉穀之病

也

太玄經第
三更解

王莽在位如妖氣之在天世祖除之凶惡無餘

李善註
文選東

京
賦

譬彼針與石效疾而稱良行葦非不厚悠悠何詎央琴

瑟時未調改弦當更張

廣文選何承
天正邪篇

逐下袂於後堂兮迎宓妃於伊雒制讒賊於中廂兮選

呂管於榛薄叢林之下無怨士兮江河之畔無隱夫三

苗之徒以放逐兮伊臯之倫以充廬

廣文選劉子政憂苦

御馬失節其車是碎御天下失節四海失墜桀紂是湯

武之梯秦項是大漢之階

意林周生列子

夫君政陵遲如乘敝車若能求巧工使葺理之折則接
之緩則擗之可復新矣

意林正論

久成

日月得天而能久照四時變化而能久成聖人久於其

道而天下化成

易恒

若今日勤而明日惰昨日是而今日非自旁觀之則有新有舊言王德行終始皆同不有衰殺從旁觀之每日

益新

尚書正義
咸有一德

視彼鵲鵲之鳥尚則飛則鳴既飛以翼又鳴以口翼也口也無有止息之時況人之處世其可自舍視此鵲鵲以為喻節故我王當日此行行視朝之禮又而月此行行視朔之政與羣臣議政事日有所決月有所行亦如

鵲鵲無肯止息時也

毛詩正義小宛

王之為政當如昊天德寒暑有常不為差忒

毛詩正義抑

農夫既勤耘耨苗稼成熟當本此仁恩愛惜之心以聚

集所收勿令浪為費散聖王勸課行善既畢本此仁恩

和親聚集善道使不廢棄也

禮記正義禮運

傳曰五年再閏天道乃備夫以天地之靈猶五載以成

其化况人道哉

後漢書朱浮傳

天下非一時之用也海內非一旦之功也

後漢書朱浮傳

天地不能頓為寒暑人主亦不能頓為隆替故寒暑漸於春秋隆替起於得失

晉書郗詵傳

地不易其則故萬物生焉主不易其則故百姓安焉

管子

形勢解

天覆萬物制寒暑行日月次星辰天之常也治之以理終而復始主牧萬民治天下蒞百官主之常也治之以

法終而復始

管子形勢解

百工之子不學而能者非生巧也言有常事也今也國

無常道官無常法是以國家日繆

慎子威德

上九星如歲如復繼之初測曰星如歲如終始養也

太玄

經第六養

人賴其利百年而崩人畏其神百年而亡人用其教百

年而移

初學記帝王部總叙帝王

視效

若有疾惟民其畢棄咎若保赤子惟民其康乂

書康誥

一人有事於四方若卜筮罔不是孚

書君奭

爾惟風下民惟草

書君陳

化惡爲善如欲去疾治之以理則惟民其盡棄惡修善

孔氏傳

書康誥

民從上教而變猶草應風而偃不可不慎

孔氏傳書君陳

水之性可停可行亦言姪娣之善惡在文姜也

鄭氏箋詩敝笱

如雨言無常天下之則下天不下則止以言姪娣之善

惡亦文姜所使止

鄭氏箋詩敝笱

文王爲政先以心研精合於禮義然後施之萬民視而

觀之其好而樂之如覩金玉然

鄭氏箋
詩棧樸

佼佼然飛而往來者桑扈之鳥也有鶯然其羽之文章
故人皆觀視而念愛之以興動而升降者王與羣臣也

當有威儀禮法則天下亦觀視而樂仰之

毛詩正
義桑扈

泉水有芹而人得采焉王者有道而諸侯法焉

毛詩正
義采菽

有人鼓擊其鐘於宮內其聲必聞於外擊鐘而欲外之
不聞不可得也以興王既廢黜其后於宮內其化必流
於天下廢后而使天下之不做王亦不可得也

毛詩正
義白華

墟墓之間未施哀於民而民哀社稷宗廟之中未施敬

於民而民敬

禮記檀弓下

子云上酌民言則下天上施上不酌民言則犯也下不

天上施則亂也

禮記坊記

堂上觀乎室堂下觀乎上

禮記坊記

孔子射於矍相之圃蓋觀者如堵牆

禮記射義

我以惡人爲君亦使我惡如大鳥姜姜於上小鳥賁賁

於下

鄭氏註禮表記

善治之家其子弟見其父兄世業鉤鑄金鐵使之柔合
以補治破器皆合全好故此子弟仍能學爲袍裘補續
獸皮片片相合以至完全也善爲弓之家使幹角撓屈
調和成其弓故其子弟亦覩其父兄世業仍學取楊柳
和軟撓之成箕也

禮記正義學記正

夫君也者民之川澤也行而從之美惡皆君之由民何

能爲焉

國語魯

一人善射百夫決拾

國語吳

莫敖子華對威王曰昔者先君靈王好小腰楚士約食
馮而能立式而能起食之可欲忍而不入死之可惡然
而不避華聞之其君好發者其臣決拾君王直不好若
君王誠好賢此五臣者皆可得而致之

戰國策
楚威王

雅頌之音理而民正噪噉之聲興而士奮鄭衛之曲動
而心淫

史記
樂書

雙劍之節崇而飛白之俗成挾琴之容飾而赴曲之和

作晉書
禮上

辰極既迴衆星斯仰本源既運枝派自遷

晉書桓溫傳

衆之從上猶水之居器也故兆庶之情信於所習

晉書裴秀

傳

御民之轡在上之所貴道民之門在上之所先召民之路在上之所好惡故君求之則臣得之君嗜之則臣食之君好之則臣服之君惡之則臣匿之

管子牧民

主好本則民好墾草萊主好貨則人賈市主好宮室則工匠巧主好文采則女工靡夫楚王好細腰而美人省

食吳王好劍而國士輕死死與不食者天下之所共惡也然而為之者何也從主之所欲也而況愉樂音聲之

化乎

管子七
臣七主

桓公曰弓弩多匡軫

音啓

者而重籍於民奉繕工而使弓

弩多匡軫者其故何也管子對曰鷙鷙之舍近鷗雞鵠

鮑

音保

之通遠鵠鷗之所在君請式璧而聘之桓公曰諾

行事期年而上無闕者前無趨人三月解弓弩無匡

軫者召管子而問曰此何故也管子對曰鵠鷗之所在

君式璧而聘之涓澤之民聞之越平而射遠非十鈞之
弩不能中鵠雞鵠鮑彼十鈞之弩不得策撒不能自正
故三月解紃而弓弩無匡軫者此何故也以其家習其

所也

管子輕
重甲

鴻鵠鏘鏘唯民歌之濟濟多士殷民化之

管子
形勢

政煩苛則人姦偽政省一則人醇樸夫人俗隨國政之

方圓猶蠖屈之於葉也食黃則身黃食蒼則身蒼

亢倉
子政

道

昔齊桓好衣紫闔境不鬻異采楚莊愛細腰一國皆有

饑色上之所以率下乃治亂之所由也

尹文子
大道上

合符節別契券者所以為信也上好權謀則臣下百吏

誕詐之人乘是而後欺探籌投鈎者所以為公也上好

曲私則臣下百吏乘是而後偏衡石稱權者所以為平

也上好傾覆則臣下百吏乘是而後險斗斛敦槩者所

以為嘖也上好貪利則臣下百吏乘是而後鄙

荀子
君道

君者儀也儀正而景正君者槃也槃圓而水圓君者盂

也孟方而水方君射則臣決楚莊王好細腰故朝有餓

人荀子
君道

主者民之唱也上者下之儀也彼將聽唱而應視儀而動唱嘿則民無應也儀隱則下無動也不應不動則上

下無以相有也

荀子
正論

趙王好勇而民多輕死楚靈王好細腰而國中多餓人齊桓公妬而好內故豎刁自宮以治內桓公好味易牙蒸其首子而進之燕子噲好賢故子之明不受國故君

見惡則羣臣匿端君見好則羣臣誣能人主欲見則羣

臣之情態得其資矣

韓非子
二柄

廣廷嚴居衆人之所肅也宴室獨處魯史之所慢也觀

人之所肅非得情也且君上者臣下之所為飾也好惡

在所見臣下之飾姦物以愚其君必也

韓非子
難三

為人君者猶孟也民猶水也孟方水方孟圜水圜

韓非
子外

儲說
左上

叔向御坐平公請事公腓痛足痺轉筋而不敢壞坐晉

國聞之皆曰叔向賢者平公禮之轉筋而不敢壞坐晉

國之辭仕託慕叔向者國之鍾矣

韓非子外
儲說左上

齊王好紫衣齊人皆好也齊國五素不得一紫齊王患

紫賈傳說王曰詩云不躬不親庶民不信今王欲民無

衣紫者王以自解紫衣而朝羣臣有紫衣進者曰益遠

寡人惡臭是日也郎中莫紫衣是月也國中莫紫衣是

歲也境内莫紫衣

韓非子外
儲說左上

上好道下好德上好武下好力聖人原小知大察內知

外

河上公註
老子鑒遠

為人君者其出令也其如聲士民學之其如響曲折而

從君其如景矣

賈子大
政上

人主之居也如日月之明也天下之所同側目而視傾

耳而聽延頸舉踵而望也

淮南子
主術訓

上求材臣殘木上求魚臣乾谷上求楫而下致船上言

若絲下言若綸

淮南子
說山訓

夫刻肌膚鏡皮革被劓流血至難也然越為之以求榮

也聖王在上明好惡以示之經誹譽以導之親賢而進之賤不肖而退之無被劓流血之苦而有高士尊顯之

名民孰不從

淮南子
泰族訓

夫上之化下猶風靡草東風則草靡而西西風則草靡而東在風所由而草為之靡是故人君之動不可不慎

也

說苑
君道

臣聞之君好之則臣服之君嗜之則臣食之夫尺蠖食黃則其身黃食蒼則其身蒼君其猶有諂人言乎

說苑
君道

君使服之於內而禁之於外猶懸牛首於門而求買馬肉也公胡不使內勿服則外莫敢為也

說苑政理

明主有擊壤之歌則大臣有與人之誦上有畫一之諺則下有五袴之謠此表樹而影必從者也楚人有言曰大臣無貂裘則有司寒大臣無甘饌則有司瘠大臣無私門則有司廉

天祿閣外史黜陟

言叩擊五音各以其聲感而相應也以言君求仁則仁至修正而下直也

王逸註楚辭七諫

衝輒謚氣則轉蓬山峙修綱既舒則萬目齊理故未有

上好謙而下慢主賤寶而俗貧

抱朴子外篇廣譬

上之所多者下不能安其少也

郭子註莊肱篋

君以民為體民以君為心心好之身必安之君好之民

必從之未見心好而身不從君欲而民不隨也

劉子從化

人之從君如草之從風水之從器故君之德風之與器

也人之情草之與水也草之戴風風鶩東則東靡風鶩

西則西靡是隨風之東西也水之在器器方則水方器

圓則水圓是隨器之方圓也下之事上從其所行猶影之隨形響之應聲言不虛也

劉子
從化

昔齊桓公好衣紫闔境盡被異綵晉文公不好服羔裘羣臣皆衣狎羊魯哀公好儒服舉國皆着儒衣趙武靈王好鷄鵠國人咸冠鷄冠紫非正色狎非美毳儒非俗服鷄非冠飾而競之者隨君所好也

劉子
從化

雷霆始發草木舒榮則蟄蟲處巖崖者莫不傾聽而起

前漢書註
禮樂志

物無常性惟化所珍故水本驚蕩風靜則安屋本貞堅
風來則傾亦由貞專之女值淫奔之俗或有桑中之心
凶虐之人被淳風之化當挾賢士之義

李善註文選陸士衡演連珠

夫馬者王良御之則和馴端正致遠道矣僕人御之則
遲奔毀車矣民者譬之馬也堯舜御之則天下端正桀
紂御之則天下奔於歷山

太平御覽
工藝部御

治效

上九何天之衢亨象曰何天之衢道大行也

易大畜

六五貞吉升階

易升

上六井收勿幕有孚元吉

易井

凡物可收成者則謂之收如五穀之有收也上六處井

之極水已出井井功大成者也故曰井收

周易正義井

天下惡草煥然咸飾若草木同華

孔氏傳書湯誥

周道如砥其直如矢

詩小雅紙音大東

翩彼飛鵙

音泉

集于泮林食我桑黠

音甚

懷我好音

詩頌泮水

桃夭后妃之所致也不妬忌則男女以正婚姻以時國

無鰥民也

毛詩
桃夭

免置后妃之化也關雎之化行則莫不好德賢人衆多

也

毛詩
克置

騶虞鵲巢之應也鵲巢之化行人倫既正朝廷既治天

下純被文王之化則庶類蕃殖蒐田以時仁如騶虞則

王道成也

毛詩
騶虞

既醉太平也醉酒飽德人有士君子之行焉

毛詩
既醉

四體既正膚革充盈人之肥也父子篤兄弟睦夫婦和

家之肥也大臣法小臣廉官職相序君臣相正國之肥也天子以德為車以樂為御諸侯以禮相與大夫以法相序士以信相考百姓以睦相守天下之肥也

禮記禮運

聖帝流德天下震懾諸侯賓服連四海之外以為帶安於覆盂動猶運之掌

前漢書東方朔傳

金石不足以銘高八音不足以贊美

晉書齊王冏傳

皇風載建時聖道醇舉實為秋搗藻為春

晉書潘岳傳

雕顏卉服之鄉龍荒朔漠之長莫不迴眷朝陽沐浴玄

澤

宋書武帝
中本紀

德漏下泉功昭上象

南齊書海
陵王本紀

文教與鵬翼齊舉武功與日車並運

梁書武帝
上紀

野蠶自績何謝歐絲閑田生稻寧殊雨粟

梁書元
帝紀

莫不浸仁沐義照景飲醴

梁書江
淹傳

配天之業光辰象而利貞格地之功侔川岳而長遠

陳書

宣帝

紀

今聖化淳洽穆如韶夏食堪懷音梟獍猶變

魏書竇瑗
良吏傳

其他碌碌咸知款貢豈牛馬內向東風入律者也

魏書高句

麗史

臣傳

威德所被颺飛霧襲

北史王憲曾孫王晞傳

太平之時無瘖龐跛眊尪蹇侏儒折短父不哭子兄不

哭弟道無襁負之遺育然各以其序終者賢醫之用也

故安止平正除疾之道無他焉用賢而已矣

韓詩外傳卷三

龍遊鳳舞歲樂民喜

焦氏易林解之革

種一得十日益有息仁政獲民四國親睦

焦氏易林萃之姤

被珠銜玉沐浴仁德

焦氏易林
未濟之離

次六昆于井市文車同軌測曰昆于井市同一倫也

太玄

經第
四昆

徽纏縈而靡係鞭朴棄而無加

蔡中郎集太
傅胡公碑

使附德者若潛萌之悅甘雨見歸者猶行潦之赴大川

黎民安之若綠葉之綴脩柯左衽仰之若衆星之繫北

辰

抱朴子外
篇君道

員皆遽善猶氤氲之順勁風要荒承指若響亮之和絕

音

抱朴子外
篇君道

恩德比之於水近者游其原遠者浮其末也

前漢書註
司馬相如

傳

却走馬以糞車何惜騷褻與飛兔

文選東
京賦

聲與風翔澤從雲遊

文選東
京賦

於是百姓滌瑕盪穢而鏡至清

文選東
都賦註

南箕之風不能暢其化離畢之雲無以豐其澤

文選張
協七命

庶士傾風萬流仰鏡

文選顏延
之釋奠詩

遠無不肅邇無不懷如風之偃如樂之諧

文選王儉
褚淵碑文

位以龍飛文以虎變玄澤旁流仁風潛扇區內宅心方

隅回面

文選應
預詩

惠露霑吳仁風扇越

文選沈約安
陸王碑文

鴻鈞之世何物不樂飛鳥翕翼泉魚奮躍

文選王褒四
子講德論

邇陘遊原遐濶泳沫

文選司馬長
卿封禪文

厥被風濡化者京師沈潛甸內市洽侯衛厲揭要荒濯

沐

文選揚子雲
刺秦美新

靈輝朝覲稱物納照時風夕灑程形賦音是以至道之

行萬類取足於世大化既洽百姓無匱於心

文選陸機
演連珠

九夷之從王化猶洪聲之收清響黎苗之樂函夏若遊

形之招惠景

補文選夏
侯湛抵疑

蜂蠆止毒熊羆輟猛

廣文選宋廣
微玄居釋

善為治者士實於朝野牛馬實於陸鳥獸實於林

意林
晁錯

新書

山神曰螭物精曰魅土精曰獷水精曰罔象木精曰畢

方火精曰遊光金精曰清明天下有道則衆精潛藏

林意

部正

至德之明日月若連璧

藝文類聚
天部日

共瀛海而恒流並嵩華而莫朽

藝文類聚帝王部
陳宣帝哀策

甘露降耆老得敬則松柏受之尊賢容衆則竹葦受之

甘露者仁澤也其凝如脂其美如飴

事文類聚霜
晉中興書

丹丘千年一燒黃河千年一清皆至聖之君以為瑞

事文

類聚河王子

年拾遺記

八風並唱未足頌其英聲六樂俱陳無以歌其神武

文苑

英華庾信

賀捷一表

六代之舞陳於摠章九州之音

一作歌

登於司樂虞夔拊

石晉曠調鐘未足頌此英華

一作聲

無以宣其盛德者也

文苑英華徐陵遺書

仁澤之所灑沾惠風之所偃靡威武之所騰驤刑政之

所宣暢浩浩乎其不可涯涘

文苑英華移文移虜淮陽太守文

爰自開闢不羈不絆周公攝祚白雉是獻

初學記州郡部嶺南道

至治

大和之國無待於意而為賢大和之俗無待於養而為

藥不以物滑和不以欲亂情

子華子北
宮意問

彼其視鳳凰麒麟也豢牢之養爾彼其視醴液甘露也
刈澮之寫爾彼其視芝房竹實凡草木之異者畦圃之

毓爾彼其視玉石瓌恠凡種種之族者篋襲之藏爾

子華

子北宮

意問

德之盛山無徑迹澤無橋梁不相往來舟車不通何者

其民猶赤子也

鷓鴣冠子
備知

至德之世不尚賢不使能上如標枝民如野鹿

莊子
天地

响姬覆育萬物羣生潤於草木浸於金石禽獸碩大毫

毛潤澤羽翼奮也角觫生也獸胎不曠鳥卵不殫父無

喪子之憂兄無哭弟之哀童子不孤婦人不孀虹蜺不

出賊星不行含德之所致也

淮南子
原道訓

當此之時禽獸蝮蛇無不匿其爪牙藏其螫毒無有攫

噬之心

淮南子
覽冥訓

臥倨倨興眄眄一自以為馬一自以為牛其行蹟蹟其
視瞑瞑侗然皆得其和莫知所由生浮游不知所求魍

魎不知所往

淮南子
覽冥訓

虎狼不妄噬鷙鳥不妄搏鳳凰翔於庭麒麟遊於郊青
龍進駕飛黃伏阜諸北儋耳之國莫不獻其貢職

淮南子
覽冥

訓冥

鳳麟至蒼龜兆甘露下竹實滿流黃出而朱草生

淮南子
本

經訓

虎豹可尾虺蛇可踞而不知其所由然

淮南子本經訓

明德比於馨香甘實故臭而舍之

李善註文選揚子雲劇秦美新

太平之世則風不鳴條開甲散萌而已雨不破塊潤葉
津莖而已雷不驚人號令啟發而已電不眩目宣示光
耀而已霧不塞望浸淫被泊而已雪不封條凌殄毒害
而已雲則五色而為慶三色而成商露則結味而成甘
結潤而成膏此聖人之在上則陰陽和風雨肯也

西京雜記

舜南面而治天下天下太平燭於玉燭息於永風食於

膏火飲於醴泉舜之行其猶河海乎千仞之溪亦滿焉

由此觀之禹湯之功不足言也

太平御覽皇王部帝舜有虞氏

傳曰虞氏之恩被於動植故烏鵲之巢可俯而窺

埤雅并物

門

無聲而萬物駭無音而萬物唱

道德經指歸卷七

滅其文章平其險阻折關破鍵使姦自止壞城散獄使

民自守

道德經指歸卷上

水草為稻積裘褐為盛服巨木為廊廟巖穴為室宅主

如天地民如草木被道合德恬淡無欲

道德經指
歸卷七

主如天地民如嬰兒飲主之德合主之和

道德經指
歸卷八

天下惘惘味味喁喁不知若敲無為若雛

道德經指
歸卷八

民闕

敲主如赤子智偽無因而生巧故無由而起

道德

經指歸

卷十

喻林卷一百五

欽定四庫全書

子部
喻林卷一百六十七

詳校官中書_臣朱文翰

主事_臣祁韻士覆勘

總校官原任中允_臣王燕緒

校對官中書_臣朱圻

謄錄監生_臣李學瞻

欽定四庫全書

喻林卷一百六

明 徐元太 撰

政治門 十一

固國

重不可動因其不可動而堅固之

春秋正義
閔公元年

地山磐石聖人以深固基業

三墳
形墳

山氣止聖人以安萬國

三墳
氣墳

天下之安猶泰山而四維之也

前漢書
嚴助傳

此猶倚南山而坐平原也誰能傾之

後漢紀
孝質

居重固之安可謂根深華嶽而四維之也

晉書劉
頌傳

持瓢者非止百人搖樹者不唯一手

北齊書幼
主帝紀

無甲兵而勝無衝機而攻無溝塹而守

太公六
韜發啟

國有四維一維絕則傾二維絕則危三維絕則覆四維

絕則滅傾可正也危可安也覆可起也滅不可復錯也

管子
牧民

錯國於不傾之地積於不涸之倉藏於不竭之府下令

於流水之原使民於不爭之官明必死之路開必得之

門管子
牧民

建立四維以輔國政鈎繩相布銜楫相制參偶其備立

位乃固鶡冠子
道端

勢者君之興威者君之策臣者君之馬民者君之輪勢

固則興安威定則策勁臣順則馬良民和則輪利為國

失此必有覆車奔馬折輪敗載之患安得不危

鄧析子
無厚

食者國之寶也兵者國之爪也城者所以自守也此三

者國之具也

墨子
七患

臣有兩位者國必亂臣兩位國不亂者君在也恃君不亂矣失君則亂子有兩位者家必亂子兩位而不亂者父在也恃父不亂矣失父則亂臣疑君而無不危國藥疑宗而無不危家

慎子
德立

國者天下之大器也重任也不可不善為擇所而後錯之錯險則危不可不善為擇道然後道之塗歲則塞

歲與

穢同○荀

子富國

刑范正金錫美工冶巧火齊得剖刑而莫即已然而不
剝脫不砥礪則不可以斷繩剝脫之砥礪之則犁盤盂
刳牛馬忽然耳彼國者亦彊國之剖刑已然而不教誨
不調一則入不可以守出不可以戰教誨之調一之則
兵勁城固敵國不敢撓也彼國者亦有砥礪禮儀節奏
是也故人之命在天國之命在禮荀子
彊國
人之情食欲有芻豢衣欲有文繡行欲有輿馬又欲夫
餘財蓄積之富也然而窮年累世不知不足是人之情

也今人之生也方多蓄雞狗猪彘又蓄牛羊然而食不敢有酒肉餘刀布有困窮然而衣不敢有絲帛約者有筐篋之藏然而行不敢有輿馬是何也非不欲也幾不長慮顧後而恐無以繼之故也於是又節用御欲收歛蓄藏以繼之也是於已長慮顧後幾不甚善矣哉今夫偷生淺知之屬曾此而不知也糧食大侈不顧其後俄則屈安窮矣是其所以不免於凍餓操瓢囊為溝壑中瘠者也況夫先王之道仁義之統詩書禮樂之分乎彼

固天下之大慮也將為天下生民之屬長慮顧後而保

萬世也

荀子
榮辱

周之奪殷也拾遺於庭使殷不遺於朝則周不敢望秋

毫於境而況敢易位乎

韓非子
安危

凡有國而後亡之有身而後殃之不可謂能有其國能

保其身夫能有其國必能安其社稷能保其身必能終

其天年而後可謂能有其國能保其身矣

韓非子
解老

武王問太公曰寡人伐紂天下是臣弑其主而下伐其上

也吾恐後世之用兵不休鬪爭不已為之奈何太公曰

甚善王之問也夫未得獸者惟恐其創之小也已得之

惟恐傷肉之多也王若欲久持之則塞民於筵

淮南子道應訓

楚鄭之棠谿墨陽非不利也犀軸兕甲非不堅也然而

不能存者利不足恃也

鹽鐵論論勇

善鑿者建周而不疲善基者致高而不蹙伊尹以堯舜

之道為殷國基子孫紹位百代不絕商鞅以重刑峭法

為秦國基故二世而奪

鹽鐵論復古

夫一兔走於街萬人追之一人得之萬人不復走分未
定則一兔走使萬人擾分已定則雖貪夫知止今楚多
寵子而嫡位無主亂自是生矣夫世太子者國之基也
而百姓之望也國既無基又使百姓失望絕其本矣本
絕則撓亂猶兔走也

說苑
建本

栢柱載梁堅固不傾

焦氏易林
比之泰

土與山連共保歲寒

焦氏易林
剝之履

金城鐵廓上下同力政平民歡寇不敢賊

焦氏易林
離之噬嗑

金城鐵廓以銅為關藩屏自衛安上无患

焦氏易林
遊之鼎

明月照夜使暗為晝國有仁賢君尊於故

焦氏易林
井之渙

金梁鍊柱千年牢固完全不腐聖人安處

焦氏易林
旅之咸

次四恢其門戶以禦寇勇測曰恢其門戶大經營也

太玄

經第
四廓

國以山河城廓為固家以垣籬棖闕為固

天祿閣外
史時勢

天下大器也置之安地則安置之危地則危是以平路

安車狂夫審乎難覆乘奔馭朽童子知其必危

關氏
易傳

以善人為之藩籬謂封周公康叔於魯衛以大師為垣
牆謂封太公於齊也大邦以為屏蔽謂成國諸侯也大
宗以為楨幹謂王之同姓也能和其德則天下安寧分
建宗子則列城堅固城不可使墮壞宗不可使單獨單
獨墮壞則畏懼斯至

前漢書註
諸侯王表

言奔沈吾猶人也必也使無奔沈

楊子法言
註寡見篇

正位居體者以中夏為喉舌不以邊陲為襟帶也長世

宇眚者以道德為藩不以襲險為屏也

文選魏
都賦

家有常業雖饑不餓國有常業雖危不亡

意林
韓子

本枝惟茂宗周之業以弘磐石既建皇漢之圖斯遠

初學

記帝威

部王

守其母其子全而民熾盛保其國也

西昇
經

國之不安猶身有病吾救之以藥臣飼之以糜粥

天王
太子

辟羅經

行六

庇本

葛藟王族刺平王也周室道衰棄其九族焉

毛詩
葛藟

杖杜刺時也君不能親其宗族骨肉離散獨居而無兄

弟將為沃所拜爾

毛詩杖杜

角弓王不親九族而好讒佞宗族相怨之詩

詩說小正傳

夫能固位者必度其本末而後立衷焉不知其本不謀

知本之不枝弗強詩云本枝百世

左傳莊公六年

公族公室之枝葉也若去之則本根無所庇蔭矣葛藟

猶能庇其本根故君子以為比况國君乎此諺所謂庇

焉而縱尋斧焉者也必不可君其國之親之以德皆股

肱也

左傳文公七年

犬牙相制麟趾有光

史記漢興表贊

高帝封王子弟地犬牙相制此所謂磐石之宗也

史記孝文

紀

自古帝王之臨天下也皆欲廣樹藩屏崇固維城

晉書諸王

總傳

本根無所庇廕遂乃三葉而亡有晉思改覆車復隆磐

石

晉書諸王總傳

中國與邊境猶支體與腹心也夫肌膚寒於外腹腸疾於內內外之相勞非相為虐也唇亡則齒寒支體傷而心惜怛故無手足則皮體廢無邊境則內國害

鹽鐵論
誅秦

四支強而躬體固華葉茂而本根據故飾四境所以安

中國也

鹽鐵論
錄役

先聖制法亦務實邊蓋以安中國也譬猶家人遇寇賊者必使老小羸軟居其中央丁彊武猛衛其外內人奉其養外人禦其難蛩蛩距虛更相恃仰乃俱安存

潛夫
論實

邊

公族者國之枝葉枝葉落則本根無所庇廕

文選曹同
六代論

泉竭則流涸根朽則葉枯枝繁者蔭根條落者本孤故

語曰百足之蟲至死不僵扶之者衆也

文選曹同
六代論

內無深根不拔之固外無磐石宗盟之助非所以安社

稷為萬代之業也

文選曹元
首六代論

姦情散於胃懷逆謀消於脣吻斯豈非信重親戚任用

賢能枝葉碩茂本根賴之

藝文類聚帝王
部惣載帝王

強本

揚之水白石鑿鑿

音作

○揚之水白石皓皓

叶胡暴反

○揚之

水白石粼粼

詩國風揚之水

揚之水刺晉昭公也昭公分國以封沃沃盛強昭公微

弱

毛詩揚之水

陵苕之幹喻如京師也其華猶諸夏也故或謂諸夏為

諸華華衰則黃猶諸侯之師旅罷病將敗則京師孤弱

鄭氏箋詩

苕之華

京師以諸夏為障蔽今陵若之華衰而葉見青青然喻諸侯微弱而王之臣當出見也

鄭氏箋詩
若之華

薦與女蘿施於松柏之上非自有根依於松柏之根故松柏存而茂松柏殞而亡是存亡在松柏以興同姓與九族附於王者之側非自有尊託王之尊故王政明而榮王政衰而微是興衰由於王政

毛詩正義
頌升

末大必折尾大不掉

左傳昭公
十一年

譬之樹木本弱者其枝必披非人力所能強成

杜氏解
左傳莊

公六
年

且夫制城邑若體性焉有首領股肱至於手拇毛脉大

能掉小故變而不勤

國語
楚

夫邊境者國之尾也譬之如牛馬處暑之既至蚩蠶之

既多而不能掉其尾臣亦懼之

國語
楚

臨淄之塗車轂擊人肩摩連袂成帷舉袂成幕揮汗成

雨

史記蘇
秦傳

本實繁者披其枝披其枝者傷其心大其都者危其國

尊其臣者卑其主

史記范
睢傳

高皇帝瓜分天下以王功臣反者如蝟毛而起

前漢書
賈誼傳

今海內之執如身之使臂臂之使指莫不制從

前漢書
賈誼傳

天下之執方病大瘡一脛之大幾如要一指之大幾如

股平居不可屈信一二指搐身慮亡聊失今不治必為

錮疾後雖有扁鵲不能為已病非徒瘡也又苦趺蹠

前漢

書賈

誼傳

譬之一人之身本朝者心腹也州郡者四支也心腹痛

則四支不舉故臣之所憂在腹心之疾非四支之患

後漢

紀孝
順

天下猶人之體腹心充實四支雖病終無大患

魏志杜
畿傳

夫先王經始立聖宅心畫為九州制為九服貴中區而
內諸夏誠以晷度自日霜露惟均冠冕萬國朝宗四海

故也

晉書桓
溫傳

幹植不彊枝葉不茂骨鯁不存皮膚不充

晉書曹
志傳

夫無委致圍城脆致衝夫不定內不可以持天下

管子
事語

月望日奪其光陰不可以乘陽也日出星不見不能與之爭光也故末不可以強於本指不可以大於臂下輕

上重其覆必易

淮南子
說山訓

生天地之間根本微者不可遭大風疾雨立鏹消耗

春秋

繁露滅

圖上

所謂末大必折尾大難掉尾同於體猶或不從况乎非

體之尾其可掉哉

文選曹同
六代論

附枝大者賊本心私家盛者公室危

補文選蕭望
之雨雹對

邊垂之患手足之蚿搔中國之困胃背之瘰疽

補文選
蔡邕諫

伐鮮
卑議

恐尾大於身踵麤於股倔強不掉狼戾難馴

文苑英華
杜弼檄一

感召

螟螣之屬盛陽氣羸則生之今明君為政田祖之神不

受此害持之付與炎火使自消亡

鄭氏箋
詩大田

天既顧文王乃和其國之風雨使其山樹木茂盛言非

徒養其民人而已

鄭氏箋
詩皇矣

王者修其母則致其子水官修則龍至木官修則鳳至
火官修則麟至土官修則白虎至金官修則神龜至故
為其說云視明禮修而麟至思睿信立而白虎擾言從
文成而神龜在沼聽聰知正而名川出龍貌共體仁則
鳳凰來儀皆修其母而致其子也

春秋正義
公二十九年

周德既隆草木茂盛蒿堪為宮室因名蒿室

竹書紀
年下

致治感陰陽猶鐵炭之低仰見效可信者也

前漢書
李尋傳

貌言視聽以心為主四者皆失則區霧無識故其咎霧

也雨旱寒燠亦以風為本四氣皆亂故其罰恒風也

晉書

五行志下

煙雲同五色日月並重輪

隋書音
樂中志

不剗胎剖卵則鸞鳳馴鳴不漉浸焚原則螭龍盤蜿

隋書

許善
心傳

陽烏垂曜微藿傾心神龍騰舉飛雲觸石聖人在上幽

顯冥符故稱比屋可封萬物斯覩

隋書李
德林傳

自而治天下雲氣不待族而雨草木不待黃而落日月

之光益以荒矣

廣成子

夫鳳凰鸞鳥不降而鷹隼鳩梟豐庶神不格守龜不兆
握粟而筮者屢中時雨甘露不降飄風暴雨數臻五穀
不蕃六畜不育而蓬蒿藜糴並興

管子
小匡

鳳凰者鶉火之禽陽之精也麒麟者玄枵之獸陰之精
也萬民者德之精也德能致之其精畢至

鶉冠子
度萬

類同相召氣同則合聲比則應故鼓宮而宮應鼓角而
角動以龍致雨以形逐影禍福之所自來衆人以為命

焉不知其所由故國亂

呂氏春秋召類

天人相通精氣相貫人君清淨天氣自正人君多欲天

氣煩濁吉凶利害皆由於已

河上公註老子鑒遠

人主之情上通於天故誅暴則多飄風枉法令則多蟲

螟殺不辜則國赤地令不收則多淫雨

淮南子天文訓

昔者師曠奏白雪之音而神物為之下降風雨暴至平

公癘病晉國赤地庶女叫天雷電下擊景公臺隕支體

傷折海水大出夫瞽師庶女位賤尚稊權輕飛羽然而

專精厲意委務積神上通九天激厲至精由此觀之上天之誅也雖在壙虛幽間遼遠隱匿重襲石室界障險阻其無所逃之亦明矣

淮南子覽冥訓

璫英朱草仁政得道

焦氏易林噬嗑之中孚

仁政不暴鳳凰來舍

焦氏易林賁之賁

甘露醴泉太平機關仁德感應歲樂民安

焦氏易林咸之兌

君賢臣忠政合大中則品庶安寧萬物豐茂上閭下僞

用法殘虐則忠良被害草木枯落

王逸註楚辭九辨

天且風巢居之蟲動且雨穴處之物擾風雨之氣感蟲物也故人在天地之間猶蚤虱之在衣裳之內蝼蟻之在穴隙之中蚤虱蝼蟻為逆順從橫能令衣裳穴隙之

間氣變動乎

王充論衡
變動篇

夫寒溫天氣也天至高大入至卑小蒿不能鳴鍾而螢火不燬鼎者何也鍾長而篙短鼎大而螢小也以七尺

之細形感皇天之大氣其無分銖之驗必也

王充論衡
變動篇

旌旗垂旒旒綴於杆杆東則旒隨而東杆西則旒隨而

西荀謂寒溫隨刑罰而至是以天氣為綴旒也

王充論衡變動

篇

或時太平氣和慶為騏驎鵠為鳳凰因故氣性隨時變

化豈必有常類哉

王充論衡講瑞篇

善言居室則靡遠不應枉直不中則無近不離是以宋
野有退舍之熒惑殷朝有外奔之眚屬四環至自少廣

之表鹿馬變於蕭牆之裏

抱朴子外篇博喻

王政失於此星辰變於彼猶景之象形

前漢書註叙傳述天文志

一變而致羽物及川澤之祇再變而致羸物及山林之祇三變而致鱗物及丘陵之祇四變而致毛物及墳衍之祇五變而致介物及地祇六變而致象物及天神

前漢

書註郊
祀志

君不假臣下之權則日月揚光

藝文類聚
天部日

政太平則月圓而多輝政升平則月清而明

藝文類聚
天部月

出號令合民心則祥風至

藝文類聚
天部風

河水逆流怨氣盛也

藝文類聚
人部怨

政太平者則日五色政公平則日黃中而赤暈政和

則日黃中而黑暈政象平則日黃中而白暈政升平則

日黃中而青暈

太平御覽
天部三上

政太平則月多耀政頌平則赤明政和平則黑明政象

平則白明政升平則青明

太平御覽
天部月

王者盛德則嘉禾生嘉禾者仁卉也其大盈箱一柸二

采國政質則同本而異穎國政文則同穎而異本

太平御覽

休徵部

嘉穀

至德之萌五星若貫珠

初學記天部星註

太平日行上道升平行次道虐世行下道

玉海天文天文書上

一夫呼嗟王道為之傾覆一里違和陰陽為之改度

道德

經註疏

卷三

歸心

火有其炎寒者附之故已苟安焉則不寧方來矣

王弼註易

比

百姓如喪考妣

書弊典

泉深而魚鼈歸之草木茂而鳥獸歸之稱賢使能官有材而歸之關市平商賈歸之分地薄歛農民歸之水性歸下農民歸利王若欲求天下民先設其利而民自至譬之若冬日之陽夏日之陰不召而民自來此謂歸德

汲冢周書
大聚解

遠人來驩視道如尺

汲冢周書
太子晉解

芄芄

音蓬
音域
音樸

卜薪之櫛

音酉

之濟濟辟

音壁

王左右趣

此叶

荀之

詩大雅
棫樸

鳥止於阿人止於仁

毛詩
絲蠻

樛木諸侯慕文王之德而歸心焉故作此詩

詩說
周南

艸蟲南國大夫夏聘於周次於終南睹王室之多賢相

率以歸心焉

詩說
召南

鴻鴈王者柔懷遠人流民喜之而作是詩

詩說
小正

視鳥集於富人之室民亦當求明君而歸之

鄭氏箋
詩正月

蒲盧取桑蟲之子負持而去煦嫗養之以成其子有萬

民不能治則能治者將得之

鄭氏箋
詩小宛

魚之依水草猶人之依明王也明王之時魚何所處乎

處於藻既得其性則肥充其首頎然

鄭氏箋
詩魚藻

有莞然枝葉茂盛之柳行路之人豈有不庶幾欲就之

止息乎王有盛德則天下皆庶幾願往朝焉

鄭氏箋
詩苑柳

鴻鴈避所忌就所欲往飛之時肅肅其羽為聲也以興

萬民去所惡就有道而歸往之時其心喜樂也

毛詩正義
鴻鴈

視鳥於所止當止於誰之屋乎以興視我民人所歸亦

當歸於誰之君乎鳥集於富人之屋以求食喻民當歸

於明德之君以求天祿也

毛詩正義正月

上之親下也如腹心則下之親上也如保子之見慈母

也

大戴禮記註言

民人痛疾而或噢咻之其愛之如父母而歸之如流水

左傳昭

公三年

國人望君如望歲焉日日以幾若見君面是得父也

左傳

哀公十

六年

民歸之猶水之就下沛然誰能禦之

孟子梁惠王上

民歸之若大旱之望雲霓也

孟子梁惠王上

民之悅之猶解倒懸也

孟子公孫丑上

以德服人者中心悅而誠服也如七十子之服孔子也

孟子公孫丑上

民之歸仁也猶水之就下獸之走壙也

孟子離婁上

故為淵毆魚者獺也為叢毆爵者鷠也為湯武毆民者

桀與紂也

孟子離婁上

越四封之內親吾君也猶父母也子而思報父母之仇

臣而思報君之仇其有敢不盡力者乎

國語
越

大海蕩蕩水所歸高賢愉愉民所懷大山崔百卉殖民

何貴貴有德

前漢書
禮樂志

夫仁人在上為下所仰猶子弟之衛父母若手足之扞
頭目何可當也鄰國望我歡若親戚芬若椒蘭顧視其
上猶焚灼仇讎人情豈肯為其所惡而攻其所好哉故
以桀攻桀猶有巧拙以桀詐堯若卵投石夫何幸之有

前漢書

刑法志

天下之民敬而愛之若親父母則而養之若仰日月

後漢

書與

服志

億兆向風殊俗畢至若列宿之綰北極百川之歸巨海

晉書紀

瞻傳

同類歸之若夜蛾之赴火

魏書崔浩傳

猶衆星環於斗極百川之赴溟海

魏書匈奴劉聰傳

如鳥還山猶川赴海

北齊書文宣帝紀

羣星拱極衆川赴海

隋書音樂志

山高而不崩則祈羊至矣淵深而不涸則沈玉極矣

管子

形勢

人聚之壤地之美也人死之若江湖之大也求珠貝者

不令也

管子
侈靡

夫水波而上盡其搖而復下其勢固然者也故得之以

懷也威之以畏也則天下歸之矣

管子君
臣下

民之從有道也如饑之先食也如寒之先衣也如暑之
先陰也故有道則民歸之無道則民去之故曰道往者

其人莫來道來者其人莫往

管子形勢解

蛟龍水蟲之神者也乘於水則神立失於水則神廢人主天下之有威者也得民則威立失民則威廢蛟龍待得水而後立其神人主待得民而後成其威

管子形勢解

夫行道者使人雖勇刺之不入雖巧擊之不中夫刺之不入擊之不中而猶辱也未若使人雖勇不敢刺雖巧不敢擊夫不敢者非無其意也未若使人無其意夫無其意者未有愛利之心也不若使天下丈夫女子莫不

歡然皆欲愛利之若然者無地而為君無官而為長

文子

道德

臣之於君也下之於上也若子之事父弟之事兄若手

臂之捍頭目而覆胷腹也

荀子
議兵

大寒既至民煖是利大熱在上民清是走故民無常處

見利之聚無之去

呂氏春秋
功名

善釣者出魚乎十仞之下餌香也善弋者下鳥乎百仞

之上弓良也善為君者蠻夷反舌殊俗異習皆服之德

厚也水泉深則魚鼈歸之樹木盛則飛鳥歸之庶草茂則禽獸歸之人主賢則豪傑歸之故聖王不務歸之者

而務其所以歸

呂氏春秋功名

水出於山而走於海水非惡山而欲海也高下使之然也稼生於野而藏於倉稼非有欲也人皆以之也

呂氏春秋

已審

饑馬盈廐嘆然未見芻也饑狗盈窖嘆然未見骨也見骨與芻動不可禁亂世之民嘆然未見賢者也見賢人

則往不可止

呂氏春秋首時

先王之使其民若御良馬輕任新節欲走不得故致千里善用其民者亦然民日夜祈用而不可得苟得為上用民之走之也若決積水於千仞之谿其誰能當之周書曰民善之則畜也不善則讎也有讎而衆不若無有古之君民者仁義以治之愛利以安之忠信以導之務除其灾思致其福故民之於上也若墮之於塗也抑之以方則方抑之以圓則圓若五種之於地也必應其類

而蕃息於百倍此五帝三皇之所以無敵也

呂氏春秋適威

開春始雷則蟄蟲動矣時雨降則草木育矣飲食居處適則九竅百節千脉皆通利矣王者厚其德積衆善而鳳凰聖人皆來至矣共伯餗修其行好賢仁而海內皆以來為稽矣

呂氏春秋開春

今夫爚蟬者務在乎明其火振其樹而已火不明雖振其樹何益明火不獨在乎火在於闇當今之時世闇甚矣人主有能明其德者天下之士其歸之也若蟬之走

明火也

呂氏春秋期賢

苟胡面而戎狀者其自以為見愛於天子也猶弱子之

遷慈母也

賈子匈奴

豐水之深千仞而不受塵垢投金鐵鍼焉則形見於外非不深且清也魚鼈龍蛇莫之肯歸也是故石上不生

五穀禿山不游麋鹿無所陰蔽隱也

淮南子道應訓

天有明不憂民之晦也百姓穿戶鑿牖自取照焉地有財不憂民之窮也百姓伐木芟草自取富焉至德道者

若丘山塊然不動行者以為期也

淮南子
詮言訓

受命而海內順之猶衆星之共北辰流水之宗滄海也

春秋繁

露觀德

文王不能使不附之民先軫不能戰不教之卒造父王
良不能以弊車不作之馬趨疾而致遠羿逢蒙不能以
枉矢弱弓射遠中微故強弱成敗之要在乎附士卒教
習之而已

說苑
指武

屋漏者民去之水淺者魚逃之樹高者鳥宿之德厚者

士趨之

說苑
談叢

良君將賞善而除民患愛民如子蓋之如天容之若地
民奉其君愛之如父母仰之如日月敬之如神明畏之

若雷霆

新序
雜事

海為水王聰聖且明百流歸德無有畔逆常饒優足

焦氏

易林
蒙之乾

百川朝海流行不止道雖遠遠無不到者

焦氏易林
謙之無妄

鳥飛鼓翼喜樂堯德

焦氏易林
小過之比

明火香餌則蟬魚至以言治國明其德美其政天下之

人如蟬魚之歸明火香餌也

淮南子說
山訓解

夫止水之致鑑者非為止以求鑑也故王駘之聚衆衆

自歸之豈引物使從已哉

郭子註莊
德充符

山海爭水水必歸海非海求之其勢順也

劉子
思順

海以廣大之故衆水歸之王者有和樂之德則人皆思

附也

前漢書註
禮樂志

秦天下之民若擔重物不得休息今來歸漢得息肩膊

李善註文

選東京賦

煥若列宿紫宮是環

文選西都賦

若湛露之晞朝陽兮衆星之拱北辰也

文選籍田賦

百川赴巨海衆星環北辰照灼爛霄漢遙裔起長津

文選

謝靈運擬

魏太子詩

感而應之悅而歸之如晨風之鬱北林龍魚之趣淵澤

也

文選于寶晉紀總論

士有常君民有定主枝葉相扶首尾為用

文選曹元首六代論

萬邦宅心駿民效足

文選陸士衡功臣頌

百川以海為尊故赴之衆星以北辰為主故繞之萬民

歸君亦猶是焉

文選謝靈運鄴中詩註

思漢之士延頸鶴望

廣文選漢先主封張飛策

上玄垂象列宿拱辰極之中厚載成形百谷指滄溟之

大

文苑英華盧思道檄一

堯居於衢室之中輯五瑞以見羣后帶幅舄而入覲者

如衆星之拱北

玉海器用圭璧

上視下如子下視上如父上視下如弟下視上如兄視
下如子必王天下視上如父必正天下視下如弟則不

難為之死

道德經四
子集解

休卒偃兵為天下市萬方往之如川歸海

道德經指
歸卷七

得民而歸之若赤子之歸乳母

金庭無
為妙經

譬如水大從高赴下水族所歸

波羅蜜多經卷
五百六十七

又如大地世間往來舉足下足無不依之

波羅蜜多經
卷五百六十

七

國人護我主猶王護國人如林衛獸王獸護於林藪方

廣佛華嚴經

讚卷十二

猶如山頂暴漲之水流注溝坑谿澗深處亦如半月海

水潮出其國外來歸化之民充滿側塞亦復如是

本緣經毗

羅摩

品

如須彌山王十寶山圍遶如白香象王白香象圍遶如

師子王師子衆圍遶

大智度論卷三

六合則咸宗如海百姓則共仰如辰

集沙門不應拜俗等事卷二〇冠二

小方廣記

筋木

天

喻林卷一百六

欽定四庫全書

喻林卷一百七

明 徐元太 撰

政治門 十二

征伐

地中有水師君子以容民畜衆

易師

六五田有禽利執言

易師

人之脩田非禽之所犯王者守國非叛者所亂禽之犯

苗則可獵取叛人亂國則可誅之

周易正義師

尚桓桓如虎如貔如熊如羆于商郊

書牧誓

稼穡之夫除草養苗我長念天亡殷惡主亦猶是矣

孔氏

傳書

大誥

澤有獸而焚其草木大威將至不可為巧焚其草木則

無種大威將至不可以為勇

汲冢周書周祝解

既破我斧又缺我斨

音捨

周公東征四國是皇○既破我

斧又缺我鋸

音奇

○既破我斧又缺我鋤

音求

○詩國風破斧

淠淠彼湮舟烝徒楫

音接叶藉此反

之周王于邁六師及之

大詩

雅械
樸

王奮厥武如震如怒叶暖進厥虎臣闕音喊如虢音虎詩大

雅常
武

王旅嘽嘽音灘如飛如翰如江如漢如山之苞叶鋪如川反

之流詩大雅
常武

武王載旆有虔秉鉞音越如火烈烈則莫我敢曷音過詩頌長

發

采芑宣王南征也毛詩
采芑

文王之時西有昆夷之患北有獫狁之難以天子之命將率遣戍役以守衛中國故歌采薇以遣之出車以

勞還杖杜以勤歸也

毛詩
采薇

東山周公東征也周公東征三年而歸勞歸士大夫美

之

毛詩
東山

夫兵猶火也弗戢將自焚也

左傳隱
公四年

君處北海寡人處南海唯是風馬牛不相及也不虞君

之涉吾地也何故

左傳僖
公四年

古者明王伐不敬取其鯨鯢而封之以為大戮於是乎

有京觀以懲淫慝

左傳宣公十二年

三里之城七里之郭環而攻之而不勝夫環而攻之必有得天時者矣然而不勝者是天時不如地利也城非不高也池非不深也兵甲非不堅利也米粟非不多也委而去之是地利不如人和也

孟子公孫丑下

沒平公軍無秕政

晉國語

三軍之良五家之兵進如鋒矢戰如雷霆解如風雨

史記

蘇秦

傳

地廣者粟多國大者人衆兵強則士勇

史記李斯傳

教笞不可廢於家刑罰不可損於國誅伐不可偃於天

下用之有巧拙行之有逆順耳

史記律書

請為天下鴈行頓刃

史記魏世家

僮兒可使奮拳以致力女子可使褰裳以用命況厲熊

羆之卒因迅風之執哉

後漢書皇甫嵩列傳

不入虎穴不得虎子

後漢書班超列傳

號怒之旅如虎如螭師之攸向無不靡披蓋夫燔魚刺

蛇莫之方斯

後漢書
杜篤傳

數十萬衆並垂餌於豺狼

晉書東海
王越傳

暫擾以制敵愈於放敵而常擾也夫四體者人之所甚

愛苟宜伐病則削肌刮骨矣

晉書王
鑒傳

兵威已振譬如破竹數節之後皆迎刃而解無復著手

處也

晉書杜
預傳

雖鴻羅遐被涼州猶在天網之外

晉書禿髮
烏孤記

窮髮遺虜未拔根株微垂殘狡尚餘栽藥而北踰翰漠
折其肩髀南極江湖抽其腸胃雖骸骨僅存脂膏咸盡

視息纔舉魂魄久遊

魏書匈奴
劉聰傳

天地大德降繁霜於秋令聖哲至仁著甲兵於刑典故
知造化之有肅殺義在無私帝王之用干戈蓋非獲已

隋書煬帝

下帝紀

驅率貔貅抑揚霆電

南史梁
本紀上

大明發而萬物皆照大義發而萬物皆利大兵發而萬

物皆服

太公六韜發啓

夫輕重強弱之形諸侯合則強孤則弱驥之材而百馬

伐之驥必罷矣強最一伐而天下共之國必弱矣

管子霸言

故盟不如不盟然而有所謂善盟戰不如不戰然而有

所謂善戰

春秋繁露竹林

夫有以咽藥而死者欲禁天下之醫非也有以藥舟而

死者欲禁天下之船非也有以用兵而喪其國者欲禁

天下之兵非也

亢倉子兵道

大國之攻小國譬猶童子之為馬也童子之為馬足用而勞今大國之攻小國也攻者農夫不得耕婦人不得織以守為事攻人者亦農夫不得耕婦人不得織以攻

為事

墨子耕柱

午其軍取其將若撥𩊖

荀子富國

兵有勝於朝廷有勝於原野有勝於市井

尉繚子攻權

家無怒咎則豎子嬰兒之有過也立見國無刑罰則百姓之互相侵也立見天子無誅伐則諸侯之相暴也立

見故怒咎不可偃於家刑罰不可偃於國誅伐不可偃於天下夫兵之不可偃也譬之若水火然善用之則為福不能用之則為禍若用藥者然得良藥則活人得惡

藥則殺人義兵之為天下良藥也亦大矣

呂氏春秋
秋蕩兵

軍大卒多而不能鬪衆不若其寡也夫衆之為福也大其為禍也亦大譬之若漁深淵其得魚也大其為害也

亦大

呂氏春秋
秋決勝

動之為物不損則益不成則毀不利則病皆險也道之

者危故秦勝乎戎而敗乎殽楚勝乎諸夏而敗乎柏莒

淮南子

詮言訓

已未能治也而攻人之亂是猶以火救火以水應水也

何所能制

淮南子
兵畧訓

凡有血氣之蟲含牙帶角前爪後距有角者觸有齒者
噬有毒者螫有蹠者趺喜而相戲怒而相害天之性也
人有衣食之情而物弗能足也故羣居雜處分不均求
不瞻則爭爭則強脇弱而勇侵怯人無筋骨之強爪牙

之利故割革而為甲爍鐵而為刃

淮南子
兵畧訓

晉陽處父伐楚以救江故解枹者不在於捌格在於批

伋

淮南子
說林訓

商師若荼周師若烏

鹽鐵論
未通

蒙公為秦擊走匈奴若鷙鳥之追羣雀

鹽鐵論
代功

屠者解分中理可橫以手而離也至其抽筋鑿骨非行

金斧不能決聖主循性而化有不從者亦將舉兵而征

之

鹽鐵論
繇役

大之伐小強之伐弱猶大魚之吞小魚也若虎之食豚

也惡有其不得理

說死指武

鵬鷹制兔伐楚有功

焦氏易林大壯之遊

不戰而屈人兵堯舜也需頃漸襟堯舜乎銜玉而賈石

者其徂詐乎

揚子問道

麟之儀儀鳳之師師其至矣乎螭虎桓桓鷹隼戢戢未

至也

揚子孝至

次六大兵雷霆震其耳維用詘腹測曰大兵雷霆威震

無疆也

太玄經
第三衆

虎號

呼交切

振殿

欣金切

如鷹之揚也

太玄經
第三衆

上九斧刃蛾蛾利匠人之貞測曰蛾蛾之斧利征亂也

太玄經

第三衆

比札為甲冠矜為戟被甲何戟以威不怙

太玄經
太玄經

水以療湯火以熟食兵以除亂夫何偃也

呂氏春秋
蕩兵解

兵猶火也強則盛盛則衰

淮南子原
道訓解

含血之蟲必有爪牙之用喜則共戲怒則相害人無爪

牙故設兵革之器以自輔衛故國以軍為輔君以臣為

佐輔彊則國安輔弱則國危

武侯十六策治軍

鞭朴廢於家則童僕怠惰征伐息於國羣下不虔

抱朴子外

篇用刑

禁令不明而嚴刑以靜亂廟算不精而窮兵以侵鄰猶

鋤禾以討蝗蟲伐木以殺蠹蝎食毒以中蚤虱徹舍以

逐雀鼠

抱朴子外篇博喻

攻斷之威莫絕乎火

太玄經第二達解

豐界音之幹晴之燄音雷礮礮音電烜烜當葛反傳曰界

之幹日之轉也晴之燄目之動也雷礮礮其聲震也電

烜烜其光睽也昔王由是動干戈耀兵威元包仲陽

破城邑而取之言若拔樹木并得其根本也前漢書註高帝紀

威亮火烈勢踰風掃拾代如遺偃齊猶草文選陸機功臣頌

夫鷙鳥之擊先高攫鷙之勢也牧野之威孟津之退也

文選陳琳檄

吳將校文

守似藩籬戰同枯朽文選陸陸石闕銘

奮臂雲興騰跡虎噬陵險必夷摧剛則脆

文選陸士衡功臣頌

夫行天莫如龍行地莫如馬馬者甲兵之本國之大用

安寧則以別尊卑之序有變則以濟遠近之難

補文選馬援上

銅馬式表

戰如鬪雞勝者先鳴

太平御覽羽族部鷄

武王曰五帝之時無守戰之具國存者何太公曰守戰之具皆在民間耒耜者是其弓弩也鋤爬者是其矛戟也簦笠者是其兜鍪也鐮斧者是其攻戰之具也雞狗

者是鉦鼓也

太平御覽
兵部營壘

元戎屢征如風之騰

初學記州郡
部河北道

人主者國之腹心也兵者國之威神也

道德經指
歸卷十二

選將

長子帥師以中行也弟子與尸使不當也

易
師

服不可加非其人兵不可任非其才

孔氏傳書
說命中

維師尚父時維鷹揚

詩大雅
大明

天下合從趙使魏加見楚春申君曰君有將乎曰有矣

僕欲將臨武君魏加曰臣少之時好射臣願以射譬之
可乎春申君曰可加曰異日者更羸與魏王處京臺之
下仰見飛鳥更羸謂魏王曰臣為王引弓虛發而下鳥
魏王曰然則射可至此乎更羸曰可有間鴈從東方來
更羸以虛發而下之魏王曰然則射可至此乎更羸曰
此孽也王曰先生何以知之對曰其飛徐而鳴悲飛徐
者故瘡痛也鳴悲者久失羣也故瘡未息而驚心未去
也聞弦者音烈而高飛故瘡墮也今臨武君嘗為秦孽

不可為拒秦之將也

戰國策楚
考烈王

夫將者國之輔也輔周則國必強輔隙則國必弱

孫子
謀攻

今君四時使斬離皮革掩以朱漆畫以丹青爍以犀象

冬日夜之則不溫夏日衣之則不涼為長戟二丈四尺

短戟一丈二尺革車掩戶縵輪籠轂觀之於目則不麗

乘之以田則不輕不識主君安用此也若以備進戰退

守而不求能用者譬猶伏雞之搏狸乳犬之犯虎雖有

鬪心隨之歟矣

吳子
圖國

將帥者心也羣下者支節也其心動以誠則支節必力其心動以疑則支節必背夫將不心制卒不節動雖勝

幸勝也

尉繚子
攻權

昔者良將之用兵有饋簞醪者使投諸河與士卒同流而飲夫一簞之醪不能味一河之水而三軍之士思為

致死者以滋味之及已也

黃石公
三畧上

勇則能決斷能決斷則能若雷電飄風暴雨能若崩山破潰別辨實墜若鷲鳥之擊也搏攫則殪中木則碎

呂氏

春秋
決勝

鼓不與於五音而為五音主水不與於五味而為五味
調將軍不與於五官之事而為五官督故能調五音者
不與五音者也能調五味者不與五味者也能治五官
之事者不可揆度者也是故將軍之心滔滔如春屢屢
如夏湫湫如秋典凝如冬因形而與之化隨時而與之

移淮南子
兵畧訓

良將之卒若虎之牙若兕之角若鳥之羽若蚺之足可

以行可以舉可以噬可以觸強而不相敗衆而不相害

一心以使之也

淮南子
兵畧訓

將以民為體而民以將為心心誠則支體親刃心疑則

支體撓北心不專一則體不節動將不誠心則卒不勇

敢

淮南子
兵畧訓

將者士之心也士者將之肢體也心猶與則肢體不用

說苑
指武

子不聞越王勾踐之伐吳客有獻醇酒一器王使人注

江之上流使士卒飲其下流味不及加美而士卒戰自
五也異日有獻一囊糗糒者王又以賜軍士分食之甘
不踰噓而戰自十也今子為將士卒并分菽粒而食之

子獨朝夕芻豢黍粱何也

列女傳周列國楚子發母

夫將者人命之所懸也成敗之所在也禍福之所繫也
而上不假之以賞罰亦猶束猿獐之手而責之以騰捷
膠離婁之目而使之辨青黃不可得也

武侯心書假權

為將者必有腹心耳目爪牙無腹心者如人夜行無所

措手足無耳目者如冥然而居不知運動無爪牙者如
饑人食毒物無不死矣故善將者必有博聞多智為腹
心沈審謹密為耳目勇捍善敵者為爪牙

武侯心
書腹心

將能執兵之權操兵之勢而臨羣下譬如猛虎加之羽
翼而翱翔四海隨所遇而施之若將失權不操其勢亦
如魚龍離於江湖中欲求游洋之勢奔濤戲浪何可得
也

武侯心
書兵機

有猛如熊虎捷若騰猿剛如鐵石利若龍泉此一時之

雄也

武侯心
書三賓

古之善將者養人如養已子有難則以身先之有功則

以身後之

武侯心
書哀死

夫將者人之司命國之利器先定其計然後乃行其令

若漂水累至其獲若鷹隼之擊物靜若彊弩之張動如

機關之發所向者破而勅敵自滅

武侯十六
策治軍

工非魯般之目無以見其功巧戰非孫武之謀無以出

其奇運

武侯十六
策治軍

良將如山如淵人不知其感亦不知其歡

意林唐子

不愛尺璧而愛寸陰者將難遭而易失也故良將之趨

時也衣不解帶足不躡地

太平御覽兵部將帥下

良將剛則法天可望而不可干柔則象淵可觀而不可入去如收電可見而不可得留如山岳可瞻而不可量

太平御覽兵

部良將上

義兵

上九王用出征有嘉折首獲匪其醜无咎

易離

王赫奮烈八方咸發高城若地商庶若化

汲冢周書
武寤解

左手杖鉞示無事於誅右手把旄示有事於教

孔氏傳
書牧誓

草蟲鳴阜螽躍而從之天性也近西戎之諸侯聞南仲

既征玁狁將伐西戎之命則跳躍而鄉望之如阜螽之

聞草蟲鳴焉

鄭氏箋
詩出車

明主之守也必折衝乎千里之外其征也衽席之上還

師

大戴禮
記主言

明主之征也猶時雨也至則民說矣

大戴禮
記主言

誅其君而弔其民若時雨降民大悅

孟子梁惠王下

則鄰國之民仰之若父母矣率其子弟攻其父母自生

民以來未有能濟者也

孟子公孫丑上

寧爾也非敵百姓也若崩厥角稽顙

孟子盡心下

攻戰之道非師者雖有百萬之軍北之堂上雖有闔閭
吳起之將禽之戶內千丈之城拔之尊俎之間百尺之
衝折之衽席之上故鍾鼓箏瑟之音不絕地可廣而欲
可成和樂倡優侏儒之笑不乏諸侯可同日而致也故

名配天地不為尊利制海內不為厚

戰國策
齊閔王

以桀詐桀猶巧拙有幸焉以桀詐堯譬之若以卵投石

以指撓沸若赴水火入焉焦沒耳

荀子
議兵

弓矢不調則羿不能以中微六馬不和則造父不能以
致遠士民不親附則湯武不能以必勝也故善附民者

是乃善用兵者也

荀子
議兵

其民之親我歡若父母其好我芬若椒蘭彼反顧其上
則若灼黥若仇讐人之情雖桀跖豈又肯為其所惡賊

其所好者哉是猶使人之子孫自賊其父母也彼必將
來告之夫又何可詐也

荀子
議兵

齊之技擊不可以遇魏氏之武卒魏氏之武卒不可以
遇秦之銳士秦之銳士不可以當桓文之節制桓文之
節制不可以敵湯武之仁義有遇之者若以焦熬投石

焉

荀子
議兵

治民者禁姦於未萌而用兵者服戰於民心禁先其本

者治兵戰其心者勝

韓非子
心度

夫以義誅不義若決江河而溉燭火臨不測而擠欲墮

其克必矣

黃石公
三畧下

古之聖王有義兵而無有偃兵兵誠義以誅暴君而振
苦民民之說也若孝子之見慈親也若飢者之見美食
也民之號呼而從之若強弩之射於深谿也若積大水

而失其壅隄也

呂氏春
秋蕩兵

今有人於此能生或一人則天下必爭事之矣義兵之
生一人亦多矣人孰不說故義兵生則鄰國之民歸之

若流水誅國之民望之若父母行地滋遠得民滋衆兵

不接刃而民服若化

呂氏春秋懷寵

夫射儀度不得則格的不中驥一節不用而千里不至
夫戰而不勝者非鼓之日也素行無刑人矣故得道之
兵車不發轉騎不被鞍鼓不振塵旗不解卷甲不離矢

刃不嘗血

淮南子
兵畧訓

獵者逐禽車馳人趨各盡其力無刑罰之威而相為斤
闔要遮者同所利也同舟而濟於江卒遇風波百族之

子捷梓招杼船若左右手不以相德其憂同也故明王
之用兵也為天下除害而與萬民共享其利民之為用
猶子之為父弟之為兄威之所加若崩山決塘敵孰敢

當

淮南子
兵畧訓

所為立君者以禁暴討亂也今乘萬民之力而反為殘
賊是為虎傅翼曷為弗除夫畜池魚者必去獮獺養禽
獸者必去豺狼又況治人乎故聖人之用兵也若櫛髮
耨苗所去者少而所利者多民之思兵也若旱而望雨

渴而求飲夫有誰與交兵接刃者乎

淮南子
兵畧訓

且仁人之兵聚則成卒散則成列延居則若莫邪之長
刃嬰之者斷允居則若莫邪之利鋒當之者潰圓居則
若丘山之不可移也方居則若磐石之不可拔也觸之

角摧折節而退爾

韓詩
外篇

夫以知謀愚以義伐不義若因秋霜而振落葉

鹽鐵論
論功

仁人之兵鋌則若莫邪之利刃嬰之者斷銳則若莫邪
之利鋒當之者潰圓居而方止若盤石然觸之者隴種

而退耳夫又何可詐也

新序雜事三

次二兵無刃師無陳麟或賓之溫測曰兵無刃德服無

方也

太玄經第三衆

義兵除天下之克殘解百姓之倒懸而生育之故方之

於良藥

呂氏春秋蕩解

刑之與兵猶足與翼也走用足飛用翼形體雖異其行

身同刑之與兵全衆禁邪其實一也

王充論衡儒增篇

要地

華之衛幹如諸夏之衛京師故知幹如京師其華猶諸

夏也

毛詩正義
皆之華

有蛇於此擊其尾其脊救擊其脊其尾救擊其中身脊
尾皆救今梁者天下之脊也夫秦攻梁者是示天下要

斷山東之脊也是山東脊尾皆救中身之時也

戰國策
魏哀王

韓天下之咽喉魏天下之胸腹

戰國策秦
始皇帝

夫與人鬪不搯其肱拊其背未能全其勝也今陛下入

關而都秦之故地此亦搯天下之肱而拊其背也

史記

劉敬
傳

淮陽之北大諸侯厯如黑子之著面適足以餌大國耳

前漢書

賈誼傳

彼埴井之潢汙固不容夫吞舟且洛邑之亭澮曷足以

居乎萬乘哉

後漢書
文苑傳

疆界雖遠而其險要必爭之地不過數四猶人雖有八

尺之軀靡不受患其護風寒亦數處耳

吳志孫
皓傳註

譬如金城萬雉所急防者四門而已

吳志孫
皓傳註

韓之形勢足以扞四面之敵通諸侯之盟而中臨天下
呼則諸侯應招則諸侯來若長江盤紆于中而九派之
流為之爭赴而下注也

天祿閣外
史形勢

天子所都曰京師京水也地下之衆者莫過於水地上
之衆者莫過於人

獨斷

見三苗之傾殄則知川源之未可恃也覩翳幽之不守
則覺嚴嶮之不足賴也

抱朴子外
篇君道

且夫僻界西戎險阻四塞修其防禦孰與處乎土中平

夷洞達萬方輻湊秦嶺九峻涇渭之川曷若四瀆五嶽
帶河沂洛圖書之淵建章甘泉館御列仙孰與靈臺明
堂統和天人太液昆明鳥獸之囿曷若辟雍海流道德
之富游俠踰侈犯義侵禮孰與同履法度翼翼濟濟

文選

東都賦

中年三國之股肱邯鄲之肩髀

事文類聚
縣尹韓子

天以日月為綱地以四海為紀九土星分萬國錯峙崑

函有帝皇之宅河洛為王者之里

玉海地里
異域圖書

暴兵

火炎崑岡玉石俱焚天吏逸德烈于猛火

書眉
征

吳日敝于兵暴骨如莽

左傳哀
公元年

征伐之道不過用兵服則可以退不服則可以進火之
盛炎水之盛衝雖欲服罪不可復禁故疾其暴而不仁

也

何休解公羊
桓公七年

古者天子之始封諸侯也萬有餘今以并國之故萬國
有餘皆滅而四國獨立此譬猶醫之藥萬有餘人而四

人愈也則不可謂良醫矣

墨子非攻下

君子之用兵莫見其形其功已成野人之用兵也鼓聲則似雷號呼則動地塵氣充天流失如雨扶傷輿死履腸涉血無罪之民其死者量于澤矣而國之存亡主之死生猶不可知也其離仁義仁亦遠矣

呂氏春秋期賢

凡春秋之記災異也雖畝有數莖猶謂之無麥苗也今天下之大三百年之久戰攻侵伐不可勝數而復讐者有二焉是何以異于無麥苗之有數莖哉不足以難之

故謂之無義戰也

春秋繁露竹林

火之所務焚燒山林不別嘉穀

太玄經二務解

破取城邑誅殺其人如屠六畜然

前漢書註高帝紀

百萬

之虜

成魚鼈千仞之阜倏似滄瀛

藝文類聚靈異志魂魄賦



喻林卷一百七